



Broj: UP1-03-07-3-21-~~23~~3/15  
Datum: 9.03.2016. godine

Na osnovu člana 61. Zakona o upravi („Službeni glasnik BiH“, br. 32/02 i 102/09), člana 70. stav (1) i (3) Zakona o javnim nabavkama BiH („Službeni glasnik BiH, br. 39/14), Odluke o davanju saglasnosti na Izvještaj o evaluaciji javne nabavke usluga otvorenim postupkom za implementaciju projekta „Izgradnja kapaciteta za borbu protiv korupcije u strukturama državne službe u BiH“ broj: 05-14-3-23-5/16 od 12.02.2016. godine i Odluke o davanju saglasnosti na prijedlog Odluke o dodjeli ugovora br: 05-14-3-23-6/16 od 12.02.2016. godine, koordinator za reformu javne uprave u BiH donosi

## ODLUKU

### **o dodjeli ugovora za nabavku konsultantskih usluga za implementaciju projekta „Izgradnja kapaciteta za borbu protiv korupcije u strukturama državne službe u BiH“**

#### I

Ugovor za implementaciju projekta „Izgradnja kapaciteta za borbu protiv korupcije u strukturama državne službe u BiH“ dodjeljuje se ponuđaču Zamm media Consulting d.o.o. Sarajevo, a po prihvaćenoj ponudi ponuđača br: UP1-03-07-3-21-28/15 od 07.12.2015.godine, po provedenom otvorenom postupku javne nabavke.

#### II

Ugovor za implementaciju projekta „Izgradnja kapaciteta za borbu protiv korupcije u strukturama državne službe u BiH“ zaključit će se po cijeni prihvaćenoj u ponudi ponuđača Zamm media Consulting d.o.o. Sarajevo u iznosu od 464.490,00 sa PDV-om.

#### III

Ova Odluka stupa na snagu danom donošenja i dostavlja se ponuđaču u roku od tri dana od dana stupanja na snagu i objavljuje se na web stranici Ureda koordinatora za reformu javne uprave.

## Образложење

Ured koordinatora za reformu javne uprave pokrenuo je otvoreni postupak javne nabavke konsultantskih usluga za implementaciju projekta „Izgradnja kapaciteta za borbu protiv korupcije u strukturama državne službe u BiH“ i to Odlukom o pokretanju postupka javne nabavke broj: UP1-03-07-3-21-1/15 od 05.10.2015.godine. Obavještenje o javnoj nabavci objavljeno je na portalu javnih nabavki broj: 1438-1-2-19-3-7/15 od 21.10.2015. godine. Također, informacija o postupku javne nabavke objavljena je i na web stranici Ureda koordinatora za reformu javne uprave, kao i na stranicama Centra za promociju civilnog društva, web stranici



akta.ba, ccppei.ba i briefing.ba. Informacija o pokretanju postupka javne nabavke objavljena je u dnevnim novinama Dnevni Avaz, Jutarnji list i Nezavisne novine.

Ured koordinatora za reformu javne uprave, do krajnjeg roka za prijem ponuda, primio je dvije ponude i to grupe ponuđača Prime Communications d.o.o. Banja Luka, WYG savjetovanje d.o.o. Zagreb, HD Evropska konsalting grupa d.o.o. Beograd i ponuđača Zamm media Consulting d.o.o. Sarajevo. Javno otvaranje ponuda izvršeno je dana 07.12.2015.godine.

Komisija za javnu nabavku izvršila je pregled i ocjenu pristiglih ponuda i utvrdila da ponuda ponuđača Zamm media Consulting d.o.o. Sarajevo ispunjava sve uslove tražene tenderskom dokumentacijom i da je ponuđač dostavio sve dokumente tražene tenderskom dokumentacijom odnosno da je ponuda **prihvatljiva** za ugovorni organ, dok ponuda grupe ponuđača Prime Communications d.o.o. Banja Luka, WYG savjetovanje d.o.o. Zagreb, HD Evropska konsalting grupa d.o.o. Beograd ne ispunjava uslove iz tenderske dokumentacije i to iz sljedećih razloga:

- Ponuda je dostavljena u tri izdvojene na propisan način uvezane cjeline, uz ponudu je u odvojenoj foliji dostavljena Izjava ponuđača da se ponuda dostavlja u tri originalna dijela (original 1, original 2 i original 3) kao i kopiju ponude u tri dijela. Navedena Izjava nije bila uvezana ni numerisana kao dio tenderske dokumentacije. Tačkom 8.1.5. tenderske dokumentacije utvrđeno je da ukoliko se ponuda dostavlja u više dijelova ponuđač mora u sadržaju ponude navesti od koliko se dijelova ponuda sastoji. Uvidom u sadržaj ponude komisija je utvrdila da ponuđač u samom sadržaju ponude nije naveo od koliko se dijelova sastoji njegova ponuda. Također, takav zahtjev utvrđen je i članom 8. stav (5) Uputstva o pripremi modela tenderske dokumentacije i ponuda (Službeni glasnik BiH broj: 90/14 i 20/15).
- Garancija za ozbiljnost ponude navedenog ponuđača dostavljena je u prozirnoj foliji koja nije propisno zatvorena, a unutar prozirne folije je koverta na kojoj je navedeno da je sadržaj koverta Aneks 9, garancija za ozbiljnost ponude. Također, na foliji se nalazi i naljepnica sa parafom, pečatom i numeracijom koja je zaljepljena u donjem desnom uglu. Pravilnikom o formi garancije za ozbiljnost ponude i izvršenje ugovora ( Službeni glasnik BiH broj: 90/14) i to članom 3 stav (1) propisan je način dostavljanja garancije za ozbiljnost ponude , te je utvrđeno da se ista dostavlja u originalu, u zatvorenoj plastičnoj foliji ( koja se npr. na vrhu zatvori naljepnicom na kojoj je stavljen pečat ponuđača ili se otvor na foliji zatvori jamstvenikom, a na mjesto vezivanja zalijepi naljepnica i otisne pečat ponuđača). Član 3. stav (3) Pravilnika o formi garancije za ozbiljnost ponude i izvršenje ugovora („Službeni glasnik BiH“, broj 90/14) izričito propisuje da ukoliko garancija za ozbiljnost ponude nije dostavljena na propisan način, ugovorni organ je obavezan takvu ponudu odbaciti. Također, način dostavljanja garancije propisan je tačkom 8.8.2. tenderske dokumentacije koja glasi: „Garancija se ne smije bušiti radi ulaganja uz ponudu već treba biti dostavljena na sljedeći način: originalna bankarska garancija se pakuje u zatvorenu plastičnu foliju koja se na vrhu zatvori naljepnicom na koju se stavlja pečat ponuđača ili se otvor na foliji zatvori jamstvenikom, a na mjesto vezivanja zalijepi naljepnica i otisne pečat ponuđača;

Shodno naprijed navedenom, komisija za javne nabavke dala je preporuku ugovornom organu da se ugovor za implementaciju projekta „Izgradnja kapaciteta za borbu protiv korupcije u strukturama državne službe u BiH“ dodjeli ponuđaču Zamm media Consulting d.o.o. Sarajevo. Sredstva za nabavku konsultantskih usluga za implementaciju projekta projekta „Izgradnja kapaciteta za borbu protiv korupcije u strukturama državne službe u BiH“ osigurana su u Fondu za reformu javne uprave u iznosu od 580.320,00 KM (sa uračunatim PDV-om) i to po osnovu Odluke o prihvatanju projektnog zadatka „Izgradnja kapaciteta za borbu protiv korupcije u

strukturama državne službe u BiH“ za finansiranje iz sredstava Fonda za reformu javne uprave u BiH br: 05-14-3-124-4/15 od 14.07.2015.godine.

Ponuđena cijena za izvršenje usluga za implementaciju predmetnog projekta iznosi **397.000,00 KM bez PDV-a**. Ukupna ponuđena cijena sa PDV-om iznosi 464.490,00 KM.

**Pouka o pravnom lijeku:**

Protiv ove odluke može se izjaviti žalba prvostepenom organu Uredu koordinatora za reformu javne uprave u roku od 10 dana od dana prijema ove odluke.

Koordinator za reformu javne uprave

Doc. Dr Dragan Čuzulan



Dostavljeno:

1. Ponuđačima koji su dostavili ponude
2. Kopija članovima i sekretaru Komisije za nabavku
3. a/a